

### Samningur um sameiningu Hvammstangasóknar og Breiðabólstaðasóknar

Sónarnefndir Hvammstangasóknar og Breiðabólstaðasóknar gera með sér svohljóðandi samning um sameiningu sóknanna með fyrirvara um samþykki aðalsafnaðarfundar hvorrar sóknar um sig vorið 2022, samþykki héraðsfundar Húnavatns- og Skagafjarðarprófastsdæmis vorið 2022 og samþykki kirkjuþings haustið 2022:

1. Hvammstangasókn og Breiðabólstaðasókn sameinast 30. nóvember 2022.
2. Heiti sameinaðrar sóknar verður Hvammstangasókn og sóknarkirkjan verður Hvammstangakirkja.
3. Breiðabólstaðakirkja verður því ekki sóknarkirkja sbr. 2. gr. en eftir sem áður helgað Guðshús og nýtist sem slíkt til messuhalds og helgra athafna s.s. skírna, ferminga, hjónavígslna, kistulagninga, útfara o.fl.
4. Kirkjuleg þjónusta í sóknunum breytist lítið við sameininguna. Börn úr Breiðabólstaðasókn hafa sótt barna- og æskulýðsstarf í Hvammstangakirkju og fermingarbörn hafa sömuleiðis sótt fermingarfræðslu í Hvammstangakirkju. Hvort tveggja verður óbreytt. Sálgæsla, vanaheimsóknir, vitjanir, öldrunarstarf og öll almenn prestþjónusta verður einnig óbreytt eftir sameiningu.
5. Helgihald í sameinaðri sókn verður lítið sem ekkert breytt. Árið 2021 voru í Hvammstangasókn skráðir 528 þjóðkirkjumeðlimir. Skv. innri samþykktum þjóðkirkjunnar er messuskylda í sókn með 300-750 sóknarbörn að lágmarki einu sinni í mánuði auk hátíða, ekki sjaldnar en 15 sinnum á ári. Undanfarin ár hafa verið um 20 messur haldnar í Hvammstangasókn árlega, þrjár messuigildisstundir auk vikulegra helgistunda yfir vetrartímann í sjúkrahússkapelli, sem er innan sóknarinnar. Í Breiðabólstaðasókn voru árið 2021 skráðir 16 þjóðkirkjumeðlimir. Þar hefur að jafnaði verið 1 messa á ári en skv. innri samþykktum þjóðkirkjunnar er messuskylda í sókn með færri en 50 sóknarbörn engin heldur skal messað þar eftir aðstæðum. Þannig er ljóst að messað hefur verið meira en skyldan bauð í báðum sóknunum. Hins vegar eru sóknarnefndir sammála um að athuga hvort ein af þeim 20 árlegu messum, sem fram hafa farið í Hvammstangakirkju, færi fram í Breiðabólstaðakirkju eftir sameiningu.
6. Við sameiningu sóknanna sameinast eignir þeirra og skuldir og sameinuð sókn tekur við þeim réttindum og skyldum sem hvor sókn um sig hafði áður gagnvart hvorri kirkju um sig. Árlegur rekstur Breiðabólstaðakirkju verður þannig á höndum sameiginlegs kirkjusjóðs sem myndast við sameiningu sóknanna tveggja. Varðandi viðhald og endurbætur á Breiðabólstaðakirkju þá er stefnt að því, eftir sem áður, að leita til húsafríðunarsjóðs ríkisins og jöfnunarsjóðs sókna vegna tilfallandi viðhaldsverkefna.
7. Stefnt er að því að koma eignarhaldi, rekstri og viðhaldi Breiðabólstaðakirkju undir Húsafríðunarnefnd ríkisins og Minjastofnun Íslands en með því skilyrði að kirkjan nýtist til þess helgihalds og þeirra helgu athafna sem nefnd eru í 3.gr.
8. Sóknarnefnd Hvammstangasóknar verður stjórn Breiðabólstaðakirkjugarðs.

Sein gæðe  
sólun b.

Hvammstanga 25. apríl 2022

Björk Ársælsdóttir  
Björk Ársælsdóttir  
aform. Hvammstangasóknar

Ingveldur Ása Konráðsdóttir  
Ingveldur Ása Konráðsdóttir  
Form. Breiðabólstaðasóknar